

Damonda da baghegiar

2024-1103.000

Datum dalla publicaziun: **Il 6 da december 2024**

Patrun: Vischnaunca Disentis/Mustér, Via Cons 2, 7180 Disentis/Mustér
Representant: ipz inschigniers e planisaders sa, Via Sursilvana 11, 7180 Disentis/Mustér
Intenziun: Construcziun da duas fermadas pil bus local ed adattaziun dallas entradas tier las garaschas sutterranas dil Hotel Acla da Fontauna, construcziun d'ina piazza da molocs Parcella: 1349, 1338, 1339, 1346 e 2330
Adressa: Via Alpsu e Via
Acletta Zona: Ulteriur territori communal, zona da parcar, zona speciala Acla da Fontauna
Zona da prighel: Negin zona da prighel

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna venderdis, il 6 da december 2024, allas 18.00 ella stanza da sedutas Cumiera el Center Fontauna

Tractandas:

1. Protocol 35-2021/2024
2. Corporaziun dallas vischnauncas concessionarias dallas Ovras Electricas Reinanteriur SA (COORA) – fundaziun ed approbaziun statuts (messadi nr. 60-2021/2024)
3. Agenda 2025 (messadi 61-2021/2024)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Temps d'unviern – Restricziuns da carrar e mesiras da segirtad

Vias da funs, cultivaziun ed uaul Duront il temps d'unviern eis ei scumandau da carrar cun tuts vehichels sin las vias da funs, cultivaziun ed uaul. Quei scamond vala mintgamai naven dils 15 da december entochen la fin da mars, respectivamein naven dil mument che las vias ein cuvretgas cun neiv. Rumir vias ei scumandau.

Sendas da viandar d'unviern e sendas da gianellas Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl'emprem da december 2024 entochen Pastgas 2025. Il bandunar sendas da viandar d'unviern e rutas da gianellas signalisadas, ni vias rumidas da neiv e tut semover ordeifer la zona da baghegiar succeda sin atgna responsabladad. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa).

Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet [vias. disentis.ch](http://disentis.ch) Nus supplichein da prender enconuschientscha da questas directives e giavischein in bi temps d'unviern. Bien engraziament per la capientscha ed observaziun.

Direcziun communal Disentis/Mustér

Administraziun communal – Informaziun

Muort in'occurrenza interna restan l'administraziun communal e tuts uffecis en casa communal serrai **gievgia, ils 19 da december 2024**. Bien engraziament per Vossa capientscha ed in bi temps d'advent.

Administraziun communal

Temps da spurtegl sur Nadal e Daniev

L'administraziun communal resta serrada naven da **mardis, ils 24 da december 2024 entochen gievgia, ils 2 da schaner 2025**.

Naven da venderdis, ils 3 da schaner 2025 vala puspei il temps d'avertura usitau. Nus giavischein ina biala fiasta da Nadal ed in bien e sanadeivel onn 2025.

Administraziun communal

Procedura da concessiun e d'approvaziun dals plans tenor il dretg da tele-fericas (procedura ordinaria)

Exposiziun publica dals plans per la construcziun e per il manaschi da la sutgera da 4 Val Segnas – Parlet

Vischnanca:
Disentis/Mustér

Petenta:
Pencularas Mustér SA, Via Acletta 2, 7180 Disentis/ Mustér

Object:
Construcziun e manaschi d'ina sutgera da 4 cun indrizs accuplabels da la Val Segnas a Parlet. Implant da return/da diever, capaciad da transport da 1200 persunas/ura (stadi inicial) resp. da 1400 persunas/ura (stadi final). Remplazzament da la sutgera da 3 fixa actuala (onn da construcziun 1987) sin in trassé levamain different. En quest connex vegn la staziun da val spustada per 80 m aval (ordaifer la zona da privel da lavinas). Staziun da val Val Segnas: 2040,55 m s.m. Staziun da muntogna Parlet: 2364,75 m s.m.

Construcziun da las staziuns:

Staziun da val Val Segnas: Staziun da deviazion, nova staziun cumpacta, local da cumond separà sco construcziun da betun, tut las installaziuns tecnicas necessarias pertutgant la sutgera. Adattaziuns dals conturns. Staziun da muntogna Parlet: Staziun da tracziun, nova staziun cumpacta, reutilisaziun dal local da transformaziun e da prestaziun, local da cumond separà sco cabina; tut las installaziuns tecnicas necessarias pertutgant la sutgera. Adattaziuns dals conturns.

Ulteriuras indicaziuns:

Vehichels: 36 sessels da 4 (stadi inicial) resp. 42 sessels da 4 (stadi final), differenza d'autezza: 324,20 m; lunghezza orizzontala: 870,69 m; lunghezza inclinada: 948,79 m, dumber da pitgas: 11; manaschi d'enviern. Ulteriurs detagls dal project da construcziun èn cuntegnids en l'exposiziun publica dals plans.

Elements dal project/stabiliments accessorics:

Sco elements dal project da sutgera valan las suandantas infrastrukturas resp. lavurs da construcziun:

- Demontascha da la sutgera existenta
- Adattaziuns dal terren/access a las staziuns
- Plazzas d'installaziun e da deposit, pistas da construcziun e foss per conducts d'ovra per lung dal trassé
- Correctura da la pista Parlet en vischinanza da la staziun da muntogna per in access segir a la pista regulara a val

Ulteriurs detagls en chausa èn cuntegnids en l'exposiziun publica dals plans. Cun il project qua avant maun n'èn colliads nagins stabiliments accessorics (pistas, indrizz d'ennavar e.u.v.).

Obligaziun da far in'examinaziun ecologica:

Per projects da pendicularas en la procedura d'approvaziun dals plans ordinaria sto vegnir fatga in'examinaziun ecologica tenor la cifra 60.1 da l'aggiunta da l'Ordinaziun davart l'examinaziun ecologica (OEE; CS 814.011). La petenta ha agiuntà in rapport davart la cumpatibilitad ecologica tenor l'art. 8a OEE als documents dal project.

Procedura:

La procedura d'approvaziun dals plans sa drizza tenor la Lescha federala davart la procedura administrativa (LFPA; CS 172.021), uschenavant che la Lescha federala davart las telefericas transportond persunas (LTTTrP; CS 743.01) na divergescha betg da tala. Subsidiarmain vegn applitgada la Lescha da viafier (LViafier; CS 742.101). L'autorità directiva per la procedura e l'autorità d'approvaziun è l'Uffizi federal da traffic (UFT).

Exposiziun publica:

Il plans pon vegnir consultads da venderdi, ils 6 da december 2024 fin glindesdi, ils 20 da schaner 2025, durant las uras d'avertura ordinaras tar l'administraziun communal da la vischnanca da Disentis/Mustér. Remartga: Il termin è suspendì dals 18 da december 2024 fin e cun ils 2 da schaner 2025 (art. 22a al. 1 lit. c LFPA).

Stajaziun:

Tenor l'art. 13 da l'Ordinaziun davart las telefericas transportond persunas (OTTTrP; CS 743.011) sto in project da pendicularas vegnir stajà resp. profilà. Per quest intent ha la petenta agiuntà in concept da stajaziun. La stajaziun sto vegnir fatga a norma da quest concept. Las staziuns èn profiladas, uschenavant ch'il manaschi current permetta quai. Cas cuntrari èn ils puncts relevants stajads cun pals da lain. Il lieu da las pitgas vegnan stajads resguardond il manaschi current.

Protestas:

Tgi ch'è partida tenor las prescripziuns da la LFPA, po far protesta tar l'autorità d'approvaziun durant il temp d'exposiziun. Tgi ch'è partida tenor las prescripziuns da la Lescha federala davart l'expropriaziun (LExp; CS 711), po far valair tut las dumondas tenor l'art. 33 LExp durant il temp d'exposiziun (protestas cunter l'expropriaziun; pretensiuns tenor ils art. 7–10 LExp; pretensiuns da prestaziuns materialas tenor l'art. 18 LExp; pretensiuns d'extensiu da l'expropriaziun tenor l'art. 12 LExp; pretensiuns d'indemnisaziun per l'expropriaziun). Las protestas ston vegnir inoltradas en scrit entaifer il temp d'exposiziun (data dal bul postal) en dus exemplars a l'Uffizi federal da traffic, Secziun Permissiuns I, 3003 Berna.

Tgi che na fa betg protesta, è exclus da l'ulteriura procedura. Objecziuns cunter la stajaziun ston vegnir inoltradas immediatamain al UFT, en mintga cas dentant avant ch'il temp d'exposiziun è scadì (art. 18c al. 2 LViafier).

Uffizi d'agricultura e da geoinformaziun
Daniel Buschauer

Biblioteca populara Disentis/Mustér e contuorn

Adatg!

Muort in'occurrenza interna resta la biblioteca serrada venderdis, ils 20 da december 2024. Bien engraziament per Vossa capientscha. Wegen internen Anlasses bleibt die Bibliothek Freitag, 20. Dezember 2024, geschlossen.

Wir danken für Ihr Verständnis. Il team dalla biblioteca

Cantar fa bein a tgierp ed olma!

Vul era Ti sesentir bein cun cantar en buna cumpignia d'ina truppa dad umens sut la direcziun dad Aluis Hosang? Bugen envidein nus Tei da separticipar nunligiontamein ad in u l'auter da nos exercezis che han mintgamai liug gievgia allas 19.30 ell'aula dalla casa da scola Cons. Per ulteriuras informaziuns stat nies president Andri Hendry (tel. 081 947 62 02) bugen a Tia disposiziun. Nus selegrein da Tia viseta.

Chor baselgia Sogn Gions

Uniun da dunnas Disentis/Mustér

Sentupada cun affons pigns e geniturs

Nus envidein cordialmein tut ils affons entochen treis onns (cun fargliuns e geniturs) da s'entupar, termagliar e paterlar. Gliendisdis, ils 16 da december 2024, allas 14:30-16:00 en casa da scola Segnas, local artgin, ella 1. alzada. Prender cun marena e scalfins. Era la cusse gliadra da geniturs vegn ad esser presenta per inputs e damondas.

Cordialmein envida ressort affon

Sontgaclau a Mustér

7 da december 2024

13.30: Sontgaclau e sia suite el vitg. Prelecziun digl ore mus en differentas ustrias dil vitg entochen las 15.00. 15.00: baselgia s. Gions, survetsch divin da famiglia Suenter messa: Sontgaclau avon il Puntreis, prelecziun digl oremus

Program dallas uniuns:

Vitg: Ramona Simonet ed Estella Mazzetta, sontgaclauvitg@hotmail.com

15.45: viseta da Sontgaclau e sia suite el Puntreis

17.00: viseta da Sontgaclau e sia suite ellas casadas

Gonda, Dulezi, s.Gions: Jannik Vincenz, uggonda@outlook.com

17.00: prelecziun digl oremus cun vin cauld e piziulta avon il clavau de Sax per tut ils vischins da Gonda, Dulezi, s.Gions (sper «Wullastübli»)

18.30: audienza privata per las famiglias cun Sontgaclau el «Wullastübli»

Funs, Clavaniev, Latis: Ricardo Flepp, sontgaclau@protonmail.com

17.00: sentupada cun il Sontgaclau e sia suite ella Vella per tut ils vischins da Funs, Latis e Clavaniev

18.30: viseta da Sontgaclau e sia suite ellas casadas

Segnas, Acletta: Lara Bergamin, ugsegnasacletta@gmail.com

16.00: viseta da Sontgaclauesia suite ellas casadas 21.00: prelecziun digl oremus cun punsch e petta avon la caplutta d'Acletta

21.30: prelecziun digl oremus cun punsch e petta avon la sechentaria Sialm a Segnas

Mumpé Medel: Romina Manetsch, ugmumpemedel@hotmail.com

19.00: viseta da Sontgaclauesia suite ellas casadas

Pardomat, Madernal, Disla, Cavardiras: Lucas Lutz, lucas.lutz@icloud.com

17.00: viseta da Sontgaclauesia suite ellas casadas

20.30: viseta da Sontgaclau e sia suite avon caplutta Disla

Annunzia per la viseta da Sontgaclau e sia suite a casa entochen ils 6 da december 2024.
